



Broj: T18 0 KT 0013441 19
Brčko, 26. augusta 2019. godine

Sukladno odredbi člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

V.D.

Što je:

U aprilu 2018. godine, s ciljem pribavljanja protupravne imovinske koristi, iako svjestan da u registru preduzeća nije bio upisan kao lice ovlašteno za zastupanje, predstavljajući se kao ovlašteni predstavnik pravnog lica "Aurus Grupa" d.o.o. Sarajevo, ostvario neposrednu komunikaciju sa Š.M., komercijalistom pravnog lica "..." d.o.o. Sarajevo, koje pravno lice je stopostotni vlasnik udjela u društvu "..." d.o.o. Brčko distrikt BiH i društvu "..." d.o.o. Mostar, te pokazao lažno interesovanje za kupovinu alkoholnog pića i to bijelog i crnog vina, pa je Š.M. u uvjerenju da je Vidić Dragan ozbiljan kupac proizvoda, nakon konsultacija sa svojim pretpostavljenim V. S., P.V. i V.B., te nakon što je Vidić Dragan, iako je znao i bio svjestan da mjenice nemaju pokrića u kapitalu društva, kao sredstvo obezbjeđenja plaćanja poručene robe, Š.M. predao dvije blanko potpisane i prečatom pravnog lica "Aurus Grupa" d.o.o. Sarajevo ovjerene mjenice, Š.M. je organizovao isporuku robe, pa je tako pravno lice "..." d.o.o. Brčko distrikta BiH:

- Dana 04. aprila 2018.godine pravnom licu "Aurus Grupa" d.o.o., po Računu – Otpremnici broj D-95/18-18, prodalo 1824 litara bijelog vina po cijeni od 2,60 KM/l i 1824 litara crnog vina po cijeni od 2,70 KM/l, ukupne vrijednosti 10.558,57 konvertibilnih maraka, koju robu je po nalogu pravnog lica "..." d.o.o. Brčko distrikt BiH, preuzeo 05.aprila 2018.godine u skladištu distributera "..." u Bijeljini, a potom istoga dana 1000 litara bijelog vina i 1000 litara crnog vina po cijeni od 2,39 KM/l prodao pravnom licu "..." d.o.o. Modriča, za ukupnu vrijednost od 5.592,60 konvertibilnih maraka, a koji novac od prodaje vina po znatno nižoj cijeni je podigao sa računa pravnog lica "Aurus Grupa" d.o.o. Sarajevo i zadržao za sebe, dok račun za vino kupljeno od pravnog lica "..." d.o.o. Brčko distrikt BiH nikada nije platio,
- Dana 23. maja 2018. godine, pravnom licu "Aurus Grupa" d.o.o. po Računu – Otpremnici broj D-297/18, prodalo 4560 litara crnog vina po cijeni od 2,70 KM/l i 2736 litara bijelog vina po cijeni od 2,62 KM/l, ukupne vrijednosti 21.196,54 konvertibilnih maraka, koju robu je po nalogu pravnog lica "..." d.o.o. Brčko distrikt BiH, preuzeo dana 24. maja 2018. godine u skladištu distributera "..." u Bijeljini, te posredstvom S.E., po znatno nižoj cijeni prodao kupcu na tržnici "Arizona" Brčko distrikt BiH za novčani iznos oko 7.200,00 konvertibilnih maraka, od kog novca je S.E. predao Vidić Draganu oko 1.000,00 konvertibilnih maraka, a ostatak novca zadržao za sebe uz dogovor da mu isti isplati u roku od mjesec dana, na što je Vidić Dragan pristao, dok ispostavljeni račun za kupovinu vina preduzeću "..." d.o.o. Brčko distrikt BiH, nikada nije platio,

čime je opisanim radnjama za sebe pribavio protupravnu imovinsku korist u iznosu oko 6.592,60 konvertibilnih maraka, dok je preduzeću "..." d.o.o. Brčko distrikt BiH pričinio štetu u iznosu od ukupno 31.755,11 konvertibilnih maraka,

dakle, s ciljem da sebi pribavi protivpravnu imovinsku korist, doveo koga lažnim prikazivanjem činjenica u zabludu i time ga naveo da na štetu svoje imovine što učini, a šteta prelazi 30.000,00 konvertibilnih maraka,

čime bi počinio krivično djelo – Prevara – iz člana 288. stav (2) u vezi sa stavom (1) Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
